

Odluka Visokog predstavnika o trgovini bijelim robljem i deportaciji

Visoki predstavnik, Wolfgang Petritsch, je u petak, 29. oktobra, donio odluku kojom se osigurava odgovarajući tretman osoba kojima se prijeti deportacijom, naročito onim koje su žrtve trgovine bijelim robljem.

Ova odluka, koja stupa na snagu odmah, bila je neophodna zbog toga što je Predstavnički dom Parlamenta BiH dva puta odbacio Nacrt zakona o imigraciji i azilu, čija je svrha bila da Bosni i Hercegovini omogući da na pravi način pristupi rješavanju pitanja deportacije.

Sadašnji sistem deportacija koji primjenjuju entiteti u suprotnosti je sa Evropskom konvencijom o ljudskim pravima. Taj sistem je takođe u suprotnosti sa Ustavom BiH, kojim se institucijama države izričito daje nadležnost za regulisanje politike u oblasti imigracije, izbjeglica i azila.

Komesar IPTF-a je 30. avgusta donio Privremenu direktivu, koja je bila na snazi dva mjeseca, a kojom se, između ostalog, tražilo da se deportacija stranih državljana ne vrši bez prethodnih konsultacija sa njegovim uredom. Rok važenja te Direktive je sada produžen ovom Odlukom Visokog predstavnika.

Trgovina bijelim robljem postala je izvorom ozbiljne zabrinutosti u BiH. Efikasno gonjenje lica odgovornih za trgovinu bijelim robljem i za krivična djela vezana za trgovinu bijelim robljem, kao i zaštita njihovih žrtava, svakako predstavlja najviši prioritet.

Ova Odluka će ostati na snazi do trenutka kada Parlamentarna skupština BiH provede raspravu te usvoji Nacrt zakona, što

Visoki predstavnik očekuje od Parlamentarne skupštine bez daljnjega odlaganja.